

月十五日印度月名依星而建古今不易諸部無差良以方言未融傳譯有謬分時計月致斯乖異故以四月十六日入安居七月十五日解安居也

大唐西域記卷第八

墊音店 姥烏句易 玄玄音縣 話切 許保閼於葛

大唐西域記卷第九

掌九卷

疑一

三藏法師玄奘奉

詔譯

大總持寺沙門辯機撰

一國

摩曷陀國下

菩提樹東渡尼連禪那河大林中有窣堵波

其北有池香象侍母處也如來在昔修菩薩行爲香象子居北山中遊此池側其母盲也採蘿根汲清水恭行孝養與時推移屬有一人遊林迷路彷徨往來悲號慟哭象子聞而愍焉導之以示歸路是人既還遂白王曰我知香象遊舍林藪此奇貨也可往捕之王納

其言興兵往捕是人前導指象示王即時兩臂墮落若有斬截者其王雖驚此異仍縛象子以歸象子旣已維繫多時而不食水草典嚴者聞王王遂親問之象子曰我母盲冥累日飢餓今見幽厄詎能甘食王愍其情志故遂放之其側窣堵波前建石柱是昔迦葉波佛於此宴坐其側有過去四佛座及經行遺迹之所四佛座東渡莫訶河至大林中有石柱是外道入定及發惡願處昔有外道鬚頭藍子者志逸煙霞身遺草澤於此法林棲神匿迹旣具五神通得第一有定摩揭陀王特深宗敬每至中時請就宮食鬚頭藍子凌虛展空往來無替摩揭陀王候時瞻望亦旣至已捧接置座王將出遊欲委留事簡擢中宮無堪承命有少息女淑慎令儀旣親且賢無人遊林迷路彷徨往來悲號慟哭象子聞而出其右摩揭陀王召而命曰吾方遠遊將有所委尔宜悉心慎終其事彼鬚頭藍仙宿所

覽少女承旨瞻候如儀大仙至已捧而置座  
鬱頭藍子旣觸女人起欲界染退失神通飯  
訖言歸不得虛遊中心愧耻詭謂女曰吾比  
修道業入定怡神凌虛往來略無暇景國人  
願覩聞之久矣然先達垂訓利物爲務豈守  
獨善忘其兼濟今欲從門而出履地而往使

夫覩見之徒咸蒙福利王女聞已宣告遠近  
是時人以心競灑掃衢路百千万衆佇望來  
儀鬱頭藍子步自王宮至彼法林宴坐入定  
心馳外境棲林則鳥鳥嚶轉臨他乃魚鱉謹  
聲情散心亂失神廢定乃生忿恚即發惡願  
願我當來爲暴惡獸羣身鳥翼搏食生類身

疑一

廣三千里兩翅各廣千五百里投林啖諸羽  
族入流食彼水生發願旣已忿心漸息勤求  
頃之後得本定不久命終生第一有天壽八  
方劫如來記之天壽畢已當果昔願得此弊  
身從是流轉惡道未期出離  
莫訶河東入大林野行百餘里至屈屈居勿

吒播陀山唐言雞足亦謂塞盧播陀山唐言尊足高巒  
峽嶮極深壑洞無涯山麓谿澗喬林羅谷幽  
岑嶺嶂繁草被巖峻起三峯傍挺絕崿氣沖  
天接形與雲同其後尊者大迦葉波居中寂  
滅不敢指言故云尊足摩訶迦葉波者聲聞  
弟子也得六神通具八解脫如來化緣斯畢

垂將涅槃告迦葉波曰我於曠劫勤修苦行  
爲諸衆生求無上法昔所願期今已果滿我  
今將欲入大涅槃以諸法藏燭累於汝住持  
宣布勿有失墜姨母所獻金縷袈裟慈氏成  
佛留以傳付我遺法中諸修行者若苾芻苾  
芻尼邬波索迦唐言塞又曰優婆塞舊日伊蒲波

疑二

斯迦唐言近事女舊優婆斯皆說也優婆夷皆說也  
流轉迦葉承旨任持正法結集旣已至第二  
十年厭世無常將入寂滅乃往鷄足山山陰  
而上屈槃取路至西南岡山峰險阻崖徑槃  
薄乃以錫杖扣剖之如割山徑既開遂路而  
進槃糾曲折迴互針通至千山頂東北面出

疑三

既入三峯之中捧佛袈裟而立以願力故三峯盤覆故今此山三脊隆起當來慈氏出尊之興世也三會說法之後餘有無量稽慢衆生將登此山至迦葉所慈氏彈指山峯自開彼諸衆生既見迦葉更增稽慢時大迦葉授衣致辭禮敬已畢身昇虛空示諸神變化火焚身遂入寂滅時衆瞻仰懶慢心除因而感悟皆證聖果故今山上建窣堵波靜夜遠望或見明炬及有登山遂無所覩

鷄足山東北行百餘里至佛陀伐那山峯崖崇峻巒崿巒巒巖間石室佛嘗降止傍有磐石帝釋梵王摩牛頭旃檀塗飾如來今其石上餘香郁烈五百羅漢潛靈於此諸有感遇或得覩見時作沙弥之形入里乞食或隱或顯靈奇之迹蓋難以述佛陀伐那山空谷中東行三十餘里至洩<sub>反</sub><sub>移</sub>結瑟知林<sub>唐言</sub>林竹脩勁被山滿谷其先有婆羅門聞釋迦佛身長丈六常懷疑惑未之信也乃以丈六竹杖

欲量佛身恒於林端出過丈六如是增高莫能窮實遂投杖而去因植根焉中有大窣堵波無憂王之所建也如來在昔於此七日為諸天人現大神通說深妙法杖林中近有鄒波索迦闍耶犀那者<sub>唐言</sub>西印度刹帝利種也志尚夷簡情悅山林迹居幻境心遊真際內外典籍窮究幽微辯論清高儀範閑雅諸沙門婆羅門外道異學國王大臣長者豪右相趨通謁伏膺請益受業門人十室而六年漸七十耽讀不倦餘藝捐廢唯習佛經策勵身心不捨晝夜印度之法香末為泥作小窣堵波高五六寸書寫經文以置其中謂之法舍利也數漸盈積建大窣堵波揔聚於內常修供養故勝軍之為業也口則宣說妙法導誘學人手乃作窣堵波式崇勝福夜又經行禮誦宴坐思惟寢食不遑晝夜無怠年百歲矣志業不衰三十年間凡作七拘胝<sub>唐言</sub>法舍利窣堵波每滿一拘胝建大窣堵波而揔

置中盛修供養請諸僧衆法會稱慶其時神

光燭曜靈異昭彰自茲厥後時放光明

杜林西南十餘里大山陽有二溫泉其水甚  
熱在昔如來化出此水於中浴焉今者尚存  
清流無減遠近之人皆來就浴沉疴宿疹多  
有除差其傍則有窣堵波如來經行之處也

杜林東南行六七里至大山橫嶺之前有石  
窣堵波昔如來雨三月爲諸人天於此說法  
時頻毗婆羅王欲來聽法乃疏山積石壘階  
以進廣二十餘步長三四里

大山北三四里有孤山昔廣博仙人棲隱於  
此鑿崖爲室餘址尚存傳教門人遺風猶扇  
孤山東北四五里有小孤山山壁石室廣袤  
可坐千餘人矣如來在昔於此三月說法石  
室上有大磐石帝釋梵王磨牛頭旃檀塗飾  
佛身石上餘香于今郁烈

石室西南隅有巖岫印度謂之阿素洛舊曰  
阿蘇羅又曰阿須那須倫又皆訛也宮也往有好事者深閉呪

術顧儔命侶十有四人約契同志入此巖岫  
行三四十里廓然大明乃見城邑臺觀皆是  
金銀琉璃是人至已有諸少女佇立門側歡  
喜迎接甚加禮遇於是漸進至內城門有二  
婢使各捧金盤盛滿花香而來迎候謂諸人  
曰宜就池浴塗冠香花已而後入斯爲美矣

五  
疑

唯彼術士宜時速進餘十三人遂即沐浴既  
入池已悅若有忘乃坐稻田中去此之北平  
川中已三四十里矣

石室側有棧道廣十餘步長四五里昔頻毗  
婆羅王將往佛所乃斬石通谷疏崖導川或  
壘石或鑿巖作爲階級以至佛所從此大山

中東行六十餘里至矩奢揭羅補羅城唐言  
官上茅宮城摩揭陀國之正中古先君王之所  
都多出勝上吉祥香茅以故謂之上茅城也崇山四周以爲外郭西通峽徑北關山門  
東西長南北狹周一百五十餘里內城餘址  
周三十餘里羯尼迦樹遍諸蹊徑花舍殊馥

色爛黃金暮春之月林皆金色

宮城北門外有窣堵波是提婆達多與未生怨王共爲親友乃放護財醉象欲害如來如來指端出五師子醉象於此馴伏而前伏醉象東北有窣堵波是舍利子開阿濕婆恃莎芻唐言馬勝說法證果之處初舍利子在家

也高才雅量見重當時門生學徒傳以受業此時將入王舍大城馬勝苾芻亦方乞食時舍利子遙見馬勝謂門生曰彼來者甚庠序不證聖果豈斯調寂宜少佇待觀其進趣馬勝苾芻已證羅漢心得自在容止和雅振錫來儀舍利子曰長老善安樂耶師何人證何

法若此之悅豫乎馬勝謂曰余不知耶淨飯

王太子捨轉輪王位悲愍六趣苦行六年證三菩提具一切智是吾師也天法者非有非空難用詮叙唯佛與佛乃能究竟豈伊愚昧所能詳議因爲頌說稱讚佛法舍利子聞已便獲果證

舍利子證果比不遠有大深坑傍建窣堵波是室利瓈多唐言密以火坑毒飯欲害佛處勝密者崇信外道深著邪見諸梵志曰喬答摩國人尊敬遂令我徒無所恃賴汝今可請至家飯會門穿大坑滿中縱火棧以朽木覆以燥土凡諸飯食皆雜毒藥若免火坑當遭毒

卷一

六

食勝密承命便設毒會城中之人皆知勝密於世尊所起惡害心咸皆勸請願佛勿往世尊告曰無得懷憂如來之身物莫能害於是受請而往足履門闥火坑成池清瀾澄鑒蓮華弥漫勝密見已憂惶無措謂其徒曰以術免火尚有毒食世尊飯食已訖爲說妙法勝

密聞已謝咎歸依

勝密火坑東北山城之曲有窣堵波是時縛迦大鑿舊曰耆於此爲佛建說法堂周其壘垣種植花果餘址菜株尚有遺迹如來在世多於中止其傍復有縛迦故宅餘基舊井墟坎猶存宮城東北行十四五里至塔栗陀羅

矩吒山

唐言鷲峯亦謂鷲臺  
舊曰者聞燭山說也

接北山之陽孤

標特起既棲鷲鳥又類高臺空翠相映濃淡分色如來御世垂五十年多居此山廣說妙法頻毗婆羅王爲聞法故興發人徒自山麓至峯岑跨谷陵巖編石爲階廣十餘步長五六里中路有二小窣堵波一謂下乘即王至

此徒行以進一謂退凡即簡凡夫不令同往其山頂則東西長南北狹臨崖西垂有軌精舍高廣奇製東闢其戶如來在昔多居說法今作說法之像量等如來之身

精舍東有長石如來經行所履也傍有大石

疑一

七

高丈四五尺周三十餘步是提婆達多遙擲擊佛處也其南崖下有窣堵波在昔如來於此說法華經精舍南山崖側有大石室如來在昔於此入定

佛石室西北石室前有大盤石阿難爲魔怖處也尊者阿難於此入定魔王化作鷲鳥於黑月夜分據其大石奮翼驚鳴以怖尊者尊

者是時驚懼無措如來鑒見申手安慰通過石壁摩阿難頂以大慈言而告之曰魔所變化宜無怖懼阿難蒙慰身心安樂石上鳥迹崖中通穴歲月雖久于今尚存精舍側有數石室舍利子等諸大羅漢於此入定舍利子石室前有一大井枯涸無水墟坎猶存精舍

東北石澗中有大盤石是如來曬袈裟之處衣文明徹皎如彫刻其傍石上有佛脚迹輪文雖暗規模可察北山頂有窣堵波是如來望摩揭陀城於此七日說法山城北門西有毗布羅山聞之土俗曰山西南崖陰昔有五百溫泉今者數十而已然猶有冷有煖未盡

溫也其泉源發雪山之南無熱惱池潛流至此水甚清美味同本池流經五百枝小熱地獄火勢上炎致斯溫熱泉流之口並皆彫石或作師子白象之首或作石筒懸流之道下乃編石爲池諸方異域咸來此浴浴者宿疥多差溫泉左右諸窣堵波及精舍基址鱗次

並是過去四佛坐及經行遺迹之所此處既山水相帶仁智攸居隱淪之士蓋亦多矣溫

泉西有卑鉢羅石室世尊在昔恒居其中後壁洞穴是阿素洛宮也習定苾芻多居此室時出怪異龍蛇師子之形見之者心發狂亂然斯勝地靈聖所止蹕迹欽風志其災禍近

有苾芻戒行貞潔心樂幽寂欲於此室園迹

習定或有諫曰勿往彼也彼多災異爲害不少旣難取定亦恐喪身宜鑒前事勿貽後悔苾芻曰不然我方志求佛果摧伏天魔若此之害夫何足言便即振錫而往室焉於是設壇場誦禁呪旬日之後穴出少女謂苾芻曰

是

尊者染衣守戒爲舍識歸依修慧習定作生靈善導而今居此驚懼我曹如來之教豈若是耶苾芻曰我守淨戒遵聖教也匿迹山谷遠誼雜也忽此見譏其咎安在對曰尊者誦呪聲發火從外入燒我居室苦我枝屬唯願悲愍勿復誦呪苾芻曰誦呪護身非欲害物

林修證果定精勤已久不得果證晝夜繼念無忘靜定如來知其根機將發也遂往彼而成之自竹林園至山崖下彈指而召佇立以待時此苾芻遙覩聖衆身意勇悅投崖而下猶其淨心敬信佛語未至于地已獲果證世尊告曰宜知是時即昇虛空示現神變用彰

### 淨信故斯封記

山城北門行一里餘至迦蘭陀竹園今有精舍石基軒室東開其戶如來在世多居此中說法開化導凡拯俗今作如來之像量等如來之初此城中有大長者迦蘭陀時稱豪貴以大竹園施諸外道及見如來聞法淨信追惜竹園居彼異衆今天人師無以館舍時諸神鬼感其誠心斥逐外道而告之曰長者迦蘭陀當以竹園起佛精舍汝宜速去得免危厄外道憤恚含怒而去長者於此建立精舍功成事畢躬往請佛如來是時遂受其施迦蘭陀竹園東有窣堵波阿闍多設咄路王

阿闍世說略也

舊日之所建也如來涅槃之後

諸王共分舍利未生怨王得以持歸式遵崇建而修供養無憂王之發信心也開取舍利建窣堵波尚有遺餘時燭光景未生怨王窣堵波側窣堵波有尊者阿難半身舍利昔尊者將寂滅也去摩揭陀國趣吠舍釐城兩國交爭欲興兵甲尊者傷愍遂分其身摩揭陀王奉歸供養即斯勝地式修崇建其傍則有如來經行之處次此不遠有窣堵波是舍利子及沒特伽羅子等安居之所竹林園西南行五六里南山之陰大竹林中有大石室是尊者摩訶迦葉波於此與九百

九十九大阿羅漢以如來涅槃後結集三藏前有故基未生怨王爲集法藏諸大羅漢建此堂宇初大迦葉宴坐山林忽燭光明又覩地震曰是何祥變若此之異以天眼觀見佛世尊於雙林間入般涅槃尋命徒屬趣拘尸城路逢梵志手執天花迦葉問曰汝從何來

疑一

十

知我大師今在何處梵志對曰我適從彼拘尸城來見汝大師已入涅槃天人大衆咸興供養我所持花自彼得也迦葉聞已謂其徒曰慧日淪照世界暗冥善導遐棄衆生顛墜懈怠苾芻更相賀曰如來寂滅我曹安樂若有所犯誰能訶制迦葉聞已深更感傷思集

疑一

十一

法藏據教治犯遂至雙樹觀佛禮敬既而法王去世人天無導諸大羅漢亦取滅度時大迦葉作是思惟承順佛教宜集法藏於是登蘇迷盧山擊大犍槌唱如是言今王舍城將有法事諸證果人宜時速集犍槌聲中傳迦葉教遍至三千大千世界得神通者聞皆集會是時迦葉告諸衆曰如來寂滅世界空虛當集法藏用報佛恩今將集法務從簡靜豈侍群居不成勝業其有具三明得六神通聞持不謬辯才無礙如斯上人可應結集自餘果學各歸其居於是得九百九十九人除阿難在學地大迦葉召而謂曰汝未盡漏宣出

聖衆曰隨侍如來多歷年所每有法議曾未棄遺今將結集而見擯斥法王寂滅失所依怙迦葉告曰勿懷憂惱汝親侍佛誠復多聞然愛惑未盡習結未斷阿難辭屈而出至空寂處欲取無學勤求不證既已疲怠便欲假寐未及伏枕遂證羅漢往結集所叩門白至

迦葉問曰汝結盡耶宜運神通非門而入阿難承命從鑰隙入禮僧已畢退而復坐是時安居初十五日也於是迦葉揚言曰念哉諦聽阿難聞持如來稱讚集素咀繩舊曰修多羅說也藏優波釐持律明究衆所知識集毗柰耶舊我迦葉波集阿毗達磨藏兩三月

盡集三藏訖以大迦葉僧中上座因而謂之上座部焉  
大迦葉波結集西北有窣堵波是阿難受僧訶責不預結集至此宴坐證羅漢果證果之後方乃預焉阿難證果西行二十餘里有窣堵波無憂王之所建也大衆部結集之處諸

學無學數百千人不預大迦葉結集之衆而來至此更相謂曰如來在世同一師學法王寂滅簡異我曹欲報佛恩當集法藏於是凡聖咸會愚智畢萃復集素咀纜藏毗奈耶藏阿毗達磨藏雜集藏禁呪藏別爲五藏而此結集凡聖同會因而謂之大衆部

竹林精舍北行二百餘步至迦蘭陀池如來在世多此說法水既清溢具八功德佛涅槃後枯涸無餘迦蘭陀池西北行二三里有窣堵波無憂王所建也高六十餘尺傍有石柱刻記立窣堵波事高五十餘尺上作象形石柱東北不遠至曷羅闍姑利四城唐言外

郭已壞無復遺堵內城雖毀基址猶峻周二十餘里面有一門初類毗婆羅王都在上茆宮城也編戶之家頻遭火害一家繼逸四隣羅災防火不暇資產廢業衆庶嗟怨不安其居王曰我以無德下民罹患修何福德可以禳之群臣曰大王德化昌穆政教明察今茲

細民不謹致此火災宜制嚴科以清後犯若有火起窮究先發罰其首惡遷之寒林寒林者棄屍之所俗謂不祥之地人絕遊往之迹令遷於彼同夫棄屍既耻陋居當自謹護王曰善宜遍宣告居人頃之王宮中先自失火謂諸臣曰我其遷矣乃命太子監攝留事欲

疑

十三

清國憲故遷居焉時吠舍釐王聞頻毗婆羅王野處寒林整集戎旅欲襲不虞邊候以聞乃建城邑以王先舍於此故稱王舍城也官屬士庶咸徙家焉或云至未生怨王乃築此城未生怨太子旣嗣王位因遂都之逮無憂王遷都波吒釐城以王舍城施婆羅門故今

城中無復凡民唯婆羅門減千家耳

宮城西南隅有二小伽藍諸國客僧往來此止是佛昔日說法之所次此西北有窣堵波殊底色加唐言星曆舊日樹提伽說也長者本生故事城南門外道左有窣堵波如來於此說法及度羅怙羅從此北行三十餘里至那爛陀唐

施無獸僧伽藍聞之者舊曰此伽藍南菴沒羅林中有池其龍名那爛陀傍建伽藍因取爲稱從其實義是如來在昔修善薩行爲大國王建都此地悲愍衆生好樂周給美其德号施無獸由是伽藍因以爲稱其地本菴沒羅園五百商人以十億金錢買以施佛佛於此處三月說法諸商人等亦證聖果佛涅槃後未久此國先王鏤迦羅阿逸多唐言敬重一乘遵崇三寶式占福地建此伽藍初興功也穿傷龍身時有善占尼乾外道見而記曰斯勝地也建立伽藍當必昌盛爲五印度之軌則踰千載而弥隆後進學人易以成業然多

疑一十三

歐血傷龍故也其子佛陀瓈多王唐言覺護繼體承統聿遵勝業次此之南又建伽藍呾他揭多瓈多王唐言篤修前緒次此之東又建伽藍婆羅阿迭多唐言王之嗣位也次此東北又建伽藍功成事畢福會稱慶輸誠幽顯延請凡聖其會也五印度僧万里雲集衆坐已

定二僧後至引上第三重閣或有問曰王將設會先請凡聖大德何方最後而至曰我至那國也和上嬰疾飯已方行受王遠請故來赴會聞者驚駭遽以白王王心知聖也躬往問焉遲上重閣莫知所去王更深信捨國出家出家既已位居僧未心常快快懷不自安我昔爲王尊居最上今者出家卑在衆末尋往白僧自述情事於是衆僧和合令未受戒者以年齒爲次故此伽藍獨有斯制其王之子伐闍羅唐言金剛嗣位之後信心貞固復於此西建立伽藍其後中印度王於此北復建大伽藍於是周垣峻峙同爲一門旣歷代君王繼世興建窮諸剏廟誠壯觀也帝曰王本伽藍者今置佛像衆中日差四十僧就此而食以報施主之恩僧徒數千並俊才高學也德重當時聲馳異域者數百餘矣戒行清白律儀淳粹僧有嚴制衆咸貞素印度諸國皆仰則焉請益談玄渴日不足夙夜警誠少長相

成其有不談三藏幽旨者則形影自愧矣故異域學人欲馳聲問咸來贊疑方流雅譽是以竊名而遊咸得禮重殊方異域欲入談議門者詰難多屈而還學深今古乃得入焉於是客遊後進詳論藝能其退飛者固十七八矣二三博物衆中次詰莫不挫其銳頽其名

若其高才博物強識多能明德哲人聯暉繼軌至如護法護月振芳塵於遺教德慧堅慧流雅譽於當時光友之清論勝友之高談智月則風鑒明敏戒賢乃至德幽邃若此上人衆所知識德隆先達學貫舊章述作論釋各十數部並盛流通見珍當世伽藍四周聖迹

疑一

百數舉其二三可略言矣

伽藍西不遠有精舍在昔如來三月止此爲諸天人廣說妙法次南百餘步小窣堵波遠方苾芻見佛處昔有苾芻自遠方來至此遇見如來聖衆內發敬心五體投地即發願求輪王位如來見已告諸衆曰彼苾芻者甚可

愍惜福德深遠信心堅固若求佛果不久當證今其發願求轉輪王於當來世必受此報身體投地下至金輪其中所有微塵之數一塵是一輪王報也既耽世樂聖果斯遠其南則有觀自在菩薩立像或見執香鑪往佛精舍周旋右繞

觀自在菩薩像南窣堵波中有如來三月之間剃剪髮爪有嬰疾病旋繞多愈其西垣外池側窣堵波是外道執雀於此問佛死生之事次東南垣內五十餘步有奇樹高八九尺其幹兩枝在昔如來嚼楊枝棄地因植根柢歲月雖久初無增滅次東大精舍高二百餘

尺如來在昔於此四月說諸妙法次北百餘步精舍中有觀自在菩薩像淨信之徒與供養者所見不同莫定其所或立門側或出簷前諸國法俗咸來供養觀自在菩薩精舍北有大精舍高三百餘尺婆羅阿迭多王之所建也莊嚴度量及中佛像同菩提樹下大精

疑一

舍其東北窣堵波在昔如來於此七日演說妙法西北則有過去四佛坐處其南鑰鉢精舍戒日王之所建立功雖未畢然其圖量一丈而後成之次東二百餘步垣外有銅立佛像高八十餘尺重閣六層乃得弥覆昔滿曾王之所作也滿曾王銅佛像比二三里輒精舍中有多羅菩薩像其量既高其靈甚察每歲元日盛興供養隣境國王大臣豪族賚妙香花持寶旛蓋金石遼奏絲竹相和七日之中建斯法會其垣南門內有大井昔佛在世有大商侶熱渴逼迫來至佛所世尊指其地以可得水商主乃以車軸築地地既爲陷水遂泉涌飲已聞法皆悟聖果伽藍西南行八九里至拘理迦邑中有窣堵波無憂王之所建也是尊者沒特伽羅子本生故里傍有窣堵波尊者於此入無餘涅槃其中則有遺身舍利尊者大婆羅門種與舍利子少爲親友舍利子以才明見貴尊者以精鑒延譽才

智相比動止必俱終始契商去就相與狀俗共求捨家遂師璠闍耶焉舍利子遇馬勝阿羅漢聞法悟聖還爲尊者重述聞而悟法遂證初果與其徒二百五十人俱到佛所世尊遙見指告衆曰彼來者我弟子中神足第一既至佛所請入法中世尊告曰善來苾芻淨修梵行得離苦際聞是語時鬚髮落俗裳變戒品清淨威儀調順經七日結漏盡證羅漢果得神通力沒特伽羅子故里東行三里有窣堵波類毗婆羅王迎見佛處如來初證佛果知摩揭陀國人心渴仰受頻毗婆羅王請於晨朝時著衣持鉢與千苾芻左右圍繞皆是耆舊螺髻梵志慕法染衣前後翼從入王舍城時帝釋天王變身爲摩那婆首冠螺髻左手執金瓶右手持寶杖足蹈空虛離地四指在大衆中前導佛路時摩揭陀國類毗婆羅王與其國內諸婆羅門長者居士百千万衆前後導從出王舍城奉迎聖衆類

毗婆羅王迎佛東南行二十餘里至迦羅臂  
擎迦邑中有窣堵波無憂王之所建也是尊  
者舍利子本生故里并今尚在傍有窣堵波  
尊者於此寂滅其中則有遺身舍利尊者大  
婆羅門種其父高才博識深鑒精微凡諸典  
籍莫不究習其妻感夢具告夫曰吾昨宵寐

夢感異人身被鎧甲手執金剛摧破諸山退  
立一山之下夫曰夢甚善汝當生男達學貫  
世摧諸論師破其宗致唯不如一人爲作弟  
子果而有姪母忽聰明高論劇談言無屈滯  
尊者年始八歲名擅四方其性淳質其心慈  
悲朽壞結縛成就智慧與沒特伽羅子少而  
相友深厭塵俗未有所歸於是與沒特伽羅  
子於璣闈耶外道所而修習焉乃相謂曰斯  
非究竟之理未能窮苦際也各求明導先嘗  
甘露必同其味時大阿羅漢馬勝執持應器  
入城乞食舍利子見其威儀閑雅即而問曰  
汝師是誰曰釋種太子歟世出家成等正覺

是我師也舍利子曰所說何法可得聞乎曰  
我初受教未達深義舍利子曰願說所聞馬  
勝乃隨宣演說舍利聞已即證初果遂與其  
徒二百五十人往詣佛所世尊遙見指告衆  
曰我弟子中智慧第一至已頂禮願從佛法  
世尊告曰善來苾芻聞是語時戒品具足過  
是

十七

半月後聞佛爲長爪梵志說法聞餘論而感  
悟遂證羅漢之果其後阿難承佛告寂滅期  
變轉相語各懷悲感舍利子深增戀仰不忍  
見佛入般涅槃遂請世尊先入寂滅世尊告  
曰宜知是時告謝門人至本生里侍者沙弥  
遍告城邑未生惡王及其國人莫不風馳皆  
悉雲會舍利子廣爲說法聞已而去於後夜  
分正意繫心入滅盡定從定起已而寂滅焉  
迦羅臂擎迦邑東南四五里有窣堵波是尊  
者舍利子門人入涅槃處或曰迦葉波佛在  
世時有三拘胝拘胝者唐言億大阿羅漢同於此地  
無餘寂滅舍利子門人窣堵波東行三十餘

里至因陀羅勢羅塞訶山唐言帝釋窟也其山巖谷杳冥花林蓊鬱嶺有兩峯岌然特起西峯南

巖間有大石室廣而不高昔如來嘗於中止時天帝釋以四十二疑事畫石請問佛爲演釋其迹猶在今作此像擬昔聖儀入中禮敬者莫不肅然敬懼山嶺上有過去四佛座及

經行遺迹之所東峯上有伽藍聞諸士俗曰其中僧衆或於夜分望見西峯石室佛像前

每有燈炬常爲照燭因陀羅勢羅塞訶山東峯伽藍前有窣堵波謂一  
許贈婆昔此

伽藍習覩小乘小乘漸教也故開三淨之食而此伽藍遵而不墜其後三淨求不時獲有

苾芻經行忽見群鴈飛翔戲言曰今日衆僧中食不充摩訶薩埵宜知是時言聲未絕一鴈退飛當其僧前投身自殞苾芻見已具白衆僧聞者悲感咸相謂曰如來設法導誘隨機我等守愚遵行漸教大乘者正理也宜改先執務從聖旨此鴈垂誠爲誠明導宜旌厚

德傳記終古於是建窣堵波式昭遺烈以彼死鴈塋其下焉

因陀羅勢羅塞訶山東北行百五六十里至迦布德迦唐言伽藍僧徒二百餘人學說一切有部伽藍東有窣堵波無憂王之所建也昔佛於此爲諸大衆一宿說法佛說法時有

疑

十八

羅者於此林中網捕羽族經日不獲遂作是言我惟薄福恒爲弊事來至

佛所揚言唱曰今日如來於此說法令我網捕都無所得妻孥飢餓其計安出如來告曰汝應縕火當與汝食如來是時化作大鵠投火而死羅者持歸妻孥共食其後重往佛所

如來方便攝化羅者聞法悔過自新捨家修學便證聖果因名所建爲鵠伽藍

迦布德伽藍南二三里至孤山其山崇峻樹林鬱茂名花清流被崖注壑上多精舍靈廟頽極剝劙之工正中精舍有觀自在菩薩像軀量雖小威神感肅手執蓮花頂戴佛像常

有數人斷食要心求見菩薩七日二七日乃至一月其有感者見觀自在菩薩妙相莊嚴威光赫奕從像中出慰喻其人昔南海僧伽羅國王清旦以鏡照面不見其身乃覩瞻部洲摩揭陀國多羅林中小山上有此菩薩像王深感慶圖以管求既至此山寔唯肖似因

建精舍與諸供養自後諸王尚想遺風遂於其側建立精舍靈廟香花伎樂供養不絕孤山觀自在菩薩像東南行四十餘里至一伽藍僧徒五十餘人並學小乘法教伽藍前有大窣堵波多有靈異佛昔於此爲梵天王等七日說法其側則有過去三佛座及經行

遺迹之所伽藍東北行七十餘里碗伽河南至大聚落人民殷盛有數天祠並窮雕飾東南不遠有大窣堵波佛昔於此一宿說法從此東入山林中行百餘里至洛殷膩羅聚落伽藍前有大窣堵波無憂王之所建佛昔於此三月說法此北二三里有大池周三十餘

大唐西域記卷第九

疑一

大唐西域記卷第九 疑一  
摩揭一千居列反  
下上音忙音竭反  
號勦一音下上蘇沒反  
大毫音觀也反汲  
哭下觀音也急引  
也洞水音引  
林藪叟下彷  
澤音引

反古皆楚必崖下 宇壑  
嶽定反俱二高私 喬反下  
嶧反山反峻固 木 溪呼  
丨上丨丨 下也反反上丨各  
丨語路也 郡 繢高巨涯  
山偃也下 波 挺也媾音  
形反錫 古上丨亭 囂 岸宜  
如下 杖 反一出頤 峑 山麓  
重吾擊下 山 也反山上  
旣各反先 隅 跛上音有下  
也反扣 山下崖吾小剛林音  
𡇔也苦道都 丨各山下謂鹿  
𡇔一佚也鄧也反曰助之山  
山隱音反 反 嵩 勃 丨菴 丨下  
高隣口擊崖 𠙴 𠙴 丨巖 潶  
兒二剖徑 結上巖峻 峻  
音口疋魚上頓步 溪上

